

"Kalau Perdana Menteri Datuk Seri Dr. Mahathir sendiri..."

"KASTAM diarahkanawasi kereta pembesar-pembesar di Tambak Johor," kata sebuah kepala di Utusan Melayu Oktober 24, 1981. Berita berikutan berkata, pihak kastam negeri Johor diarahkan mengawasi semua kenderaan kepunyaan pemimpin dan Menteri-menteri kerana ada kemungkinan orang-orang tertentu menggunakan kedudukan mereka bagi menyeludup barang-barang dari Singapura tanpa cukai.

Timbalan Ketua Kastam Malaysia, Datuk Mohammad Noor Abdul Kadir berkata demikian di ketika meninjau pekerja-pekerja kastam Jumaat lalu. Katanya, kes penyeludupan menggunakan orang-orang ternama pernah berlaku di negara ini dan ada kemungkinan ia berlaku lagi.

Datuk Mohammad Noor berkata, tidak mustahil orang-orang yang memasuki lorong "VIP" itu yang tidak diperiksa oleh pegawai-pegawai kastam Tambak Johor itu, menggunakan kesempatan dengan kedudukan

menyeludupkan barang-barang yang tertentu.

"Datuk Seri Dr. Mahathir sendiri pernah diperiksa di Lapangan Terbang Subang, jadi mengapa para pemimpin lain tidak boleh diperiksa di sini?" Tanya Datuk Mohammad Noor. (Mini-komen: Makkul sekali argumentasi itu...)

Bagaimanapun beliau berharap para pemimpin yang memasuki lorong "VIP" membuka dan mengisytiharkan terlebih dahulu barang-barang yang mereka bawa sebelum diminta berbuat demikian oleh para pegawai kastam yang bertugas. Mereka orang yang ternama, kita menghormati mereka jadi adalah lebih baik mereka berbuat begitu terlebih dahulu bagi mengelakkan perasaan segan dan malu, tambah beliau.

Komen Penulis:

Langkah yang diambil oleh Jabatan Kastam itu amatlah lojik sekali memandangkan kepada berita dan cerita yang kita hampir setiap hari terbaca, di akhbar tempatan atau pun di luar negeri, darihal penyalahgunaan kedudukan dan nama (untuk kepentingan peribadi), sama ada oleh orang-orang yang mempunyai kedudukan atau nama itu sendiri, ataupun oleh orang-orang lain yang mendakwa diri sebagai agen atau wakil separuh rasmi kepada mereka...

Jika tokoh-tokoh

masyarakat, yang mempunyai "kedudukan dan nama" (atau lebih tepat lagi, pangkat dan gelaran) tidak menghormati kedudukan istimewa dan nama sendiri (dan cuba berperangal seperti "common smugglers" yakni penyeludup biasa) — siapakah yang akan menghormati mereka? Tentu sekali tidak para pegawai kastam yang bertugas mengikut peraturan!

Bahan asal dari Arkib Negara Malaysia